



**REPÚBLICA DEMOCRÁTICA TIMOR-LESTE
IV GOVERNUN KONSTITUSIONAL**

SEKRETARIA ESTADU KONSELLU MINISTRU

KOMUNIKADU BA IMPRENZA

SORUMUTUK KONSELLU MINISTRU LORN 1 FULAN ABRIL TINAN 2009

Konsellu Ministru hala'o tiha sorumutuk iha Kuarta-feira, lorn 1 fulan Abril 2009, iha Sala Sorumutuk Konsellu Ministru, iha Palásiu Governu, iha Díli, no aprova tiha :

1. Manual ba Polítika Habitasaun Sosial ba Grupu Vulnerável sira

Konsellu Ministru aprova tiha ona Manual ba Polítika Habitasaun Sosial ne'ebé haré los ba liña orientadora atu hodi harí habitasaun sosial ne'ebé sei halo ba iha distritu sanulu resin tolu; planu estratéjiku ne'e, tuir kritéria, faze ba prosesu administrativu, sei finansia no projeltu dezentvolvimentu.

Ministériu Solidariedade Sosial pretende lori to'o fim harí habitasaun sosial ba grupu vulnerável sira hodi nune'e fó kondisaun diak ba sira nia moris, no hodi proteje sira. Governu nia hanoin ne'e fó ekilfbriu ida ne'ebé diak iha tulun sosial ne'ebé tenta atu hodi elimina kiak.

Konsellu Ministru analiza tiha mos :

2. Apresentasaun kona-bá Estratejia Dezentvolvimentu Rural nian

Iha continuidade hosi nia apoiu ba Dezentvolvimentu Rural iha Timor-Leste, UNDP enkarega tiha DR. Naresh Saxema, espesialista ida iha área ne'e, hodi fó sujestaun no akonsella Governu iha ne'ebé hodi bele respeita ba nia Estratéjia Dezentvolvimentu Rural.

Nune'e mos, Dr. Saxema koalia kona-bá aspektu ne'ebé importante liu: mak hanesan investimentu ne'ebé halo husi doador sira, fó mos importánsia ba mobilizasaun ema, dezentvolvimentu mikrofinanseiru no husi konsekuénsia ba dezentvolvimentu ekonomia nian, apoiu no insentivu ne'ebé mak Governu tenki fó ba produtor sira hanesan ba nia responsabilidade iha formasaun ba buat sira ne'e dunik.

Iha sentidu atu hamenus kiak no aumenta kualidade moris, estratejia ne'e hare liu ba importansia polítika dezenvolvimentu nian, liu-liu atu promove dezenvolvimentu lokal, hanesan forma ne'ebé mak instituisaun no Governu bele servisu hamutuk hodi harí populasaun sira iha Timor-Leste.